



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 633. Usque Ad Annum 726

**Fleury, Claude**

**August. Vind. [u.a.], 1760**

**VD18 90117840**

§. 42. Musulmanni in Africa.

---

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

**Sæculum VII** Aug. Indictione quarta, id est, eodem  
**A. C. 646.** anno, decimo sexto Julii, Victorem Ar-  
**to. 6. p. 152.** chiepiscopum Carthaginensem fuisse or-  
 dinatum, & sine mora de Ordinatione  
 sua Theodorum Papam certiozem reddi-  
 disse, data Epistola Synodica, quam E-  
 piscopo Melloso Gissipensi, Diacono Re-  
 dempto, & Crescituero Notario feren-  
 dam commisit. Rogabat Papam, ut eos,  
 antequam turbida hyems ingrueret, do-  
 mum remitteret. In illa Epistola Victor  
 se, sicut ceteros Episcopos Africæ, Mo-  
 nothelitarum Hæresin rejicere testatur,  
 rogatque Pontificem, ut his malis me-  
 deatur, promittens, nunquam se ab ejus  
 partibus discessurum. Tum subjungit:  
*Eadem ad Fratrem nostrum Paulum Con-  
 stantinopolitanum scribere potuissimus,  
 sed nolimus, scientes, quod improbi ho-  
 mines Provinciam nostram Africæ ca-  
 lumniati fuerint.* Haud dubie de Re-  
 bellione Gregorii Patricii ipsi sermo est.  
 His addit: *Rogamus, ut per tuos Lega-  
 tos ad Paulum mittas, quæ ipsi Provin-  
 ciæ nostræ Episcopi scripserunt.* Inde  
 dispicimus, hanc Victoris Epistolam sta-  
 tim post præcedentem fuisse scriptam.

§. XLII.

*Musulmanni in Africa.*

**M**usulmanni, cum Gregorius Patricius  
 ab Imperatoribus defecisset, capta-  
 ta

ta occasione anno sequente 647. Hegi-  
 ræ vigesimo septimo, Africam invase-  
 runt. Tunc Califam habebant Oth-  
 manum, Omaro sub finem anni 23. He-  
 giræ, Jesu Christi 644. e vivis sublato;  
 quippe interfectus est a quodam Persa  
 tempore publicæ orationis, postquam an-  
 nis decem & duobus mensibus regnas-  
 set. Suffectus est ei Othmanus, Affani  
 filius, ex eodem Mahometis stemmate  
 oriundus, septuagenarius, jejunio deditis-  
 simus, Alcorani studiosissimus, sed ava-  
 rus, & propinquorum amore plus æquo  
 captus.

Is Ægypti Præfecturam Amrulpho  
 ereptam dedit Abdallæ, Saadi filio, fra-  
 tri suo uterino, qui cum licentiam in A-  
 fricam movendi petiisset, eandem, &  
 validum copiarum auxilium, quod Oth-  
 manus ex urbe Medina misit, obtinuit.  
 His suffultus Abdalla, & ultra Tripolim  
 in Africam Proconsularem progressus,  
 Gregorio Patricio condiciones posuit, ut  
 vel Musulmannus fieret, vel tributum  
 penderet. Sæpius acie decertatum, tan-  
 demque Gregorius victus, occisusque.  
 Musulmanni imperatis toti Africæ tri-  
 butis ingentem pecuniæ vim retulerunt.  
 Othmanus Medinæ agens accepto hu-  
 jus rei nuncio, illum, qui attulerat, in  
 Moscheam deducit, & suggestum con-  
 scendere jubet. Tum peractis precibus,  
 H 3                      faustissi-

Sæculum VII  
 A. C. 647.

Abulfar.

Elmacin. l. I.  
 c. 3. p. 25. c. 4.  
 p. 31.

Sæculum VII A. C. 647. faustissimæ expeditionis, mensibus quindecim confectæ, rationem populo reddidit. Interim Moavia Abusophiani filius, copiis in Syria præfectus, aliquibus Romanorum Civitatibus ad deditiorem compulsi, anno 648. Cyprum Insulam oppugnare aggressus est.

## §. XLIII.

*Concilium Toletanum septimum.*

In Hispania Concilium Nationale Regis Chindasuindi anno quinto, Æra 684. seu anno 646. celebratum, inter Concilia Toletana septimum, in quo Episcopi viginti octo, & Legati absentium undecim sederunt. Metropolitanæ quatuor, Orontius Emeritanus, Antonius Hispalensis, Eugenius Toletanus, & Protasius Tarraconensis interfuere, & sex Canones conditi. Primus, sicut etiam Præfatio, dirigitur in Clericos, qui cum conjuratis societatem ineunt; nempe Regum illius temporis in Hispania solum vacillabat. Ejusmodi rebelles tam Episcopi, quam minores Clerici, tota vita reliqua excommunicati declarantur, atque id solum conceditur, ut eis ante mortem Communio detur, si in Pœnitentia perseveraverint. Rogatur ipse Rex, ne hujus Decreti vim infringat.

Si celebrans ægrotare incipiat, cum Sacra Mysteria consecrat, alius Episcopus pro-